

吳縣志卷第七十七上

列傳

釋道上釋

二氏之教衰矣而二氏之徒不加寡循名責實其可目爲眞釋眞道者有幾以言教衰誠莫衰於似而非者日多斯眞者將絕跡也馮志以道光後可傳者尠故所采殊略今兼取各志旁考他書凡生長於斯與來自四方有實蹟可稽者采擇增補仍依時代編次如左

吳縣

晉

支遁字道林本姓關氏陳留人或曰林慮人年二十五釋形入道初居餘杭山後來吳住支硎山嘗於吳縣土山墓下合道俗二十四人爲八關齋性好鶴嘗鍛其羽畜之視有悞喪意遁曰既有凌霄之姿何肯爲人作耳目近翫養令翻成使飛去又好養馬或曰道人畜馬不韻曰貧道重其神駿耳今有石室放鶴澗馬迹石皆其遺蹤也

乾隆府志

竺道一姓陸吳人少出家貞正有學業而晦迹隱智人莫能知太和中出都止瓦官寺從汰

公受學思徹淵深講傾都邑簡文帝深所知重還止虎邱山時若耶山帛道猷與一有講筵之遇以書招之乃東適耶溪與道猷相會郡守王薈於邑西起嘉祥寺以一之風德高遠請居僧首一乃抽六物遺於寺造金牒千像一既博通內外又律行精嚴時人號曰九州都維那後住虎邱山以晉隆安中卒卽葬於山南一弟子道寶姓張氏亦吳人聰慧夙成張彭祖王秀炎皆見推重

支曇籥本月支人清苦蔬食憩吳虎邱山晉孝武初敕請出都止建初寺孝武從受五戒籥特稟妙聲夢天神授其聲法覺因裁製新聲梵響清靡四飛卻轉反折還弄雖東阿先變康會後造未有如籥之妙所製六言梵唄傳響於今

以上高僧傳

法愔西域人義康中至中夏與惠遠結社廬山已而來吳以念佛三昧化導有情吳人翕然皈向建淨壽院居之院燬復建卽今萬壽寺也

吳郡法乘

宋

竺道生本姓魏氏鉅鹿人初入廬山幽棲七年常以入道之要慧解爲本故鑽研羣經萬里從師不憚疲苦後遊長安從什公受業關中僧衆咸謂神悟時泥洹經六卷先至京都經

云除一闡提皆有佛性生乃唱闡提之人皆得成佛於是舊學以爲邪說遂顯大衆擯其遣之生正容誓曰若我所說背經當見身癘疾若與實不相背願捨壽時據獅子座竟拂衣而行入吳止虎邱山聚石爲徒講涅槃經至闡提有佛性處曰如我所說契佛性否羣石皆爲點頭俄而投迹廬山後涅槃大本至果稱闡提悉有佛性既獲斯經尋卽講說以宋元嘉十一年於廬山法座講畢忽見塵尾紛然而墜端坐正容隱几而卒

乾隆府志
府志云按江

南通志列入
晉代殊誤

杯渡者無姓名元嘉時常乘木杯渡水因名之東游吳都見釣師因就乞魚師施一餒者渡手弄反覆還投水游泳而去又見網師更從乞魚網師瞋罵渡乃拾兩石子擲水俄而兩牛鬪其網中網既敗碎不復見牛渡亦隱行至松江乃仰杯於水乘而渡岸

乾隆府志
引神僧傳

僧業姓王河內人幼聰悟博涉衆典遊長安從什公受業僞發天然洞盡深奧什歎曰後世之優波離也值關中亂避地過江吳張邵挹其貞素乃請詣姑蘇爲造閑居寺地勢清曠三吳學士輻輳肩聯業訓誘無輟又以講道餘隙屬意禪門每一端坐輒有異香充塞元嘉十八年卒於吳中

高僧
傳

僧詮姓張遼西海陽人弱冠出家通內外典後過江吳郡張恭請住虎邱山詮性好檀施周
贍貧乏清確自守造人中金像置於虎邱山之東寺晚年失明而策勵彌精講授不廢後

卒於臨安董功曹家病中見所造像來在西壁又見諸天童子捧一臺來迎遂卒

任兆麟
虎阜志

曇諦姓康其先康居人漢末移止吳興諦父嘗爲冀州別駕母黃氏晝寢夢一僧寄以麈尾
并鏤鐵書鎮二枚寤見二物在案而諦生五歲示以二物諦曰此秦王所餉也年十歲出
家隨父之樊鄧遇關中碧道人忽呼碧名碧曰童子何以呼宿老名諦父具說本末并示
以書鎮麈尾碧乃悟而泣曰卽先師宏覺法師也師爲姚萇講法華貧道爲都講姚餽師
二物今乃在此追計先師捨命卽寄物之日彌深悲仰諦晚入虎邱寺講禮記周易春秋
各七徧法華大品維摩各十五徧集六卷行世後還吳興山居二十載元嘉末化去年六
十餘

僧璩姓朱吳人出家爲僧業弟子總銳衆經尤明十誦兼善史籍頗著文藻始住虎邱山宋
孝武欽其風聞敕爲京師僧正止於中興寺時有僧定自稱得不還果璩令現神足定辭
璩云律有四因緣得驗一斷疑網二破邪見三除憍慢四成功德定旣虛誑事暴卽日明

擯璩後移止莊嚴卒於所住

僧鏡姓焦本隴西人遷居吳地性至孝母亡廬墓泣血三年服畢出家住吳縣華山寺後入關隴尋師受法還止京師徐湛之甚重之復東返姑蘇專當法匠宋世祖敕出止定林下寺元徽中卒

道猷吳人初爲生公弟子隨師至廬山師亡後乃見新出勝鬘經歎曰先師昔義闇與經同因注勝鬘五卷以宣遺訓宋文帝問慧觀頓悟之義誰復習之答云生弟子道猷卽敕臨川郡發遣出京既至延入宮內大集義僧命猷申述頓悟時競辨之徒關責互起猷積思參元又宗源有本乘機挫銳往必摧鋒帝撫几稱快及孝武尤相歎重每稱曰生公孤情絕照猷公獨轡直上可謂無忝徽音元徽中卒年七十一

以上高僧傳

齊

智藏俗姓顧吳人母夢衆星墜地取而吞之因有娠年十六代宋明帝出家住興皇寺戒德堅明學業通奧齊時流連會稽復還吳郡永元二年重遊禹穴居法華山梁武崇信釋門敕居開善寺累當講席初有野姥工相人百不失一謂藏年可至三十一藏時已二十九

聞斯促報講解頓息竭精修道探經藏得金剛般若受持誦讀誓畢命奉之至所厄年暮沐浴誦經以待死至俄聞空中聲曰善男子由般若經力得倍壽矣於是江左道俗競誦此經多有徵應藏以普通三年卒年六十有五

續高僧傳

梁

醴醴尊者梁天監中卓錫寶華山智顯禪院泉隨湧出故名鉢鉢泉至今靈源尚存

乾隆縣志

蜺子和尙京兆人天監中住洞庭山沿江采掇螺蜺充腹靜禪師往勘之捉其衣曰如何是

西來意答曰神前酒臺盤靜曰不虛與我同根生

江南通志

惠響

康熙志作慧響

吳興人姓懷氏天監中居虎邱不得甘泉乃俯地側聽得泉今名曰虎跑泉後

駐錫馬鞍山謀建塔廟坐於山脇石室間有二虎爲侍方運籌思俄有神人謂曰願施千

工以成是夜風雷震吼林木號怒但聞撲斲聲明日奇石轟然廣階駢砌事聞武帝爲造

寺名惠聚響後住蝦蟆山示寂僧感其開山乃斲石像於所憩石室至今猶存

姑蘇志參崑山志

僧旻姓孫氏家富春吳大帝之後七歲出家住虎邱西山寺爲僧迴弟子從迴受五經一聞

能記張辯張緒皆異之緒曰松柏雖小已有凌雲之氣旻出都稟學名德柔次遠亮四公

參其講席聽者傾屬年二十六始於興福寺講成實論衣冠輻輳名振日下值齊季避地
仍受請入吳及梁膺運禮接日隆後感風疾吳郡太守張充吳興太守謝覽各表上延請
二郡迎候擁若雲霧天監末復敕於莊嚴寺建八座法輪講徒彌盛普通時疾又發夜還
虎邱其年皇太子遣通事舍人何澄銜命致禮又有敕移住開善在道卒旻常務莊嚴寺
宇虎邱西寺朽壞日久並皆繕改

僧若僧瓌之兄子也少而廉靜邑里推之十五出家住虎邱東山精舍出都住冶城寺二十
餘年吳郡陸慧曉陸澄深相接待時年三十二志絕風塵東返虎邱王斌守吳每延法席
普通元年卒

以上釋道宣
續高僧傳

僧林吳人深有道行梁大同中至潼州城西北豆圖山上有神祠甚靈異林往居之有大蟒
繁牀前舉頭如揖讓者林爲授三歸受已便去自爾安帖卒無災異其山北涪水之陽素
無猿忽有兩頭來依遂孳乳數十後住赤水巖故寺寺中屋宇並摧便卽露坐有虎蹲於
前林爲說法良久便去後卒於潼郡

乾隆府志
引神僧傳

智積菩薩東晉末自西土來時泗洲僧伽持鉢江南至無錫聞智積創靈巖寺卽回曰彼處

已有人矣由此名顯有貧嫗慕其行持角黍爲供智積受之嫗因得度至今上巳日號智積誕辰每聚數百嫗爲角黍會

乾隆縣志

陳

智聚姓朱氏住虎邱東山寺年踰弱冠便宏講說時同郡顧希馮會稽謝峻岳並欽其德陳至德二年奉敕太極殿進講金光明經天子嘉禮二年丁父憂銜哀幾至毀滅進歸東山精舍隋大業五年十一月二十四日終於本住卽窆於山之南虞世南爲文

乾隆府志

隋

圓光姓朴本三韓新羅人也年二十五乘舶來金陵游歷講筵投虎邱山遂有終焉之志頓絕人事攝想宗旨隋初吳郡被兵將加刑戮有大帥望見寺塔火燒急走赴救了無火狀見光在塔前被縛將刑帥卽手解之臨危達感人以爲異

顧渚虎邱志

唐

智琰字明璨姓朱氏吳郡吳人八歲出家事通元璩法師十六出都聽持法師講成實論聰明夙成深智開發後來莫及二十九歸本寺開演辯對如流莫不嗟其少秀陳亡削迹虎

邱將三十載憑巖面壑酌澗披松經隋之亂三吳益甚檀越弟子迎至毗陵首尾十載化行常郡武德七年蘇州總管李世嘉延歸山寺禪侶大集貞觀八年卒窆於虎邱之南嶺

馮志云按康熙志列入南北朝在智聚之前誤

法恭姓顧氏吳郡吳人初生有異光事虎邱聚法師爲弟子受具後聽餘杭龍公成實毗公毗曇大宏教法已而旋軫虎邱州將劉權屈還城邑住迴向寺唐貞觀十一年同常州法宣被敕赴洛特詔留住京師魏王泰降疏云法師竺澤上仁震維高德律行淨於青眼威儀整於赤髭貞觀十四年卒年七十三還窆虎邱之南嶺

惠旻字元素河東人九歲出家勤精潔業受具後從竹園寺志律師稟承十誦文理精通志公喪事畢東入會稽天台數年還吳止通元寺結徒礪業十七年不出寺門屬隋末崩離吳中饑饉守死不移禪誦無輟蘇州總管聞嗣安迎請出山固辭不往刺史李廉薛通王榮送入華亭谷幹山立寺行道數年更入海虞山隱居二十餘載遠方請業常百餘人中年別於南澗止一草庵兩兔一彪相親同止蘇州都督李世嘉遣使頻請不赴貞觀末年終年七十七

以上續高僧傳

慧璧姓弘蘇人七歲出家依法流水寺嚴師明教隨順修奉冠肇已後周游訪道門人四遠咸來常坐不臥者四十餘年老無久力時撫轡几貞觀末年七十餘人稱揚者但云不可

思議大德也

乾隆志引劉鳳吳釋傳

印宗姓印氏吳郡人也從師出家精涅槃經咸亨元年抵京師敕居大敬愛寺因辭往蘄春謁忍大師後於廣州遇六祖能大師始悟元理以能爲傳法師又采自梁至唐諸方達者之言著心要集盛行於世先天二年二月二十一日終於會稽山妙喜寺壽八十七

乾隆志引

景德傳燈錄

曇瓘姓顧氏吳郡人初謁牛頭山融大師融目而奇之乃告之曰色聲爲無生之煬毒受想是至人之坑阱子知之乎瓘默而審之大悟元旨尋晦迹鍾山茅庵瓦缶以終老焉唐天授三年二月六日恬然入定七日而滅

五燈會元

法銑姓孫氏母夢吞明珠而孕生有異表十五從師受具行學一集蔚爲教宗天寶六年於蘇州常樂寺續盧舍那像化示羣品大曆二年講經常州龍興寺忽見異光大曆十三年十一月七日化去春秋六十一慧命四十二吳興皎然爲碑

馮府志云皎然字清晝嘗寓虎邱山刺史韋應物雅重之

有杼山集見
文氏虎邱志

道遵字宗達吳興張氏年二十詣天竺義威律師受戒後學天台一心三觀法門廣寫法華
開經院於姑蘇支硯山大曆元年郡刺史韋元甫尙書劉晏等相與表奏賜名法華道場
初天寶中於靈巖道場行法華三昧忽覩大明上燭於天我身正念儼在光中以問荊溪
曰智慧光明從心流出將以顯發第一義天者也傳教門人靈翰法盛道忻猶子靈源皆
支硯禪師善宏禪法

乾隆
府志

法相姓俞長水人也大曆中於上京習毗尼諸部蔚成其業傳法東歸學者如林吳郡太守
奏於開元寺置戒壇相預臨壇之選尋推爲寺綱卒葬來蘇鄉之原弟子率義州刺史曹
信大理司直吳方重修塔見遺骨若銅色

湛然荊溪人左溪朗公之法子也大曆中說法於開元寺嘗云一念無相謂之空無法不備
謂之假不一不異謂之中在凡爲三因在聖爲三德始天寶終建中以自證之心說未聞
之法著述甚富行於世

以上宋
高僧傳

義師貞元中蘇州人狀如風狂有百姓起店十餘間義師忽運斤壞其簷禁之不止主人素

知其神禮曰弟子活計賴此顧曰汝惜乎乃擲斤於地而去其夜市火唯所壞簷屋數間存焉常止於廢寺殿中無冬夏常積壤幡木象悉火之好活燒鯉魚不具湯而食垢面不洗洗之輒雨吳人爲雨候將死飲灰汁數斛乃念佛坐不復飲食百姓日觀之坐七日而死時盛暑色不變支不摧西陽雜俎

文暢吳人與韓愈柳宗元善愈爲作送行序

康熙府志

元浩姓秦氏字廣成吳門人也初荊溪湛然傳天台三觀之學嘗於開元寺講摩訶止觀浩從受業遂入其室補闕梁肅刺史田敦請注涅槃經解其弟子智恆子瑜道儒仲儀仲良五人比邱尼識微道異志眞悟極四人皆高潔之流深練禪觀浩階庭嘗生花非人間恆所見者又祥鳥飛馴五彩絕異刺史崔恭撰塔碑立於虎邱山羅漢石壇之左

惟靖吳人年三十八入國寧寺求出家受具後便尋訪名山知識嘗侵星赴禪林寺晨粥而多虎豹隨到寺門虎踞地若伺候靖出復隨遲明巨迹極多靖恐人知以鋤滅虎迹俄患背疽困睡有鳩鳥糞於瘡所非久全愈又虞冰雪備杭粒半斗每日以銚合菜羹食置杭於地窖中過期用米常滿不耗靖乃築之而云吾被此物知非理也

以上宋高僧傳

鑒師元和初吳郡人馮生調選長安有老僧自稱鑒師詣生曰汝吾甥也

乾隆府志云宋高僧傳作汝吾姓也

相與往來歲餘馮得越東尉鑒師負笈告去曰吾廬於靈巖寺之西廡久矣遊長安忽十年幸與君相遇今將歸舊居故來告別然君赴越尉道出靈巖寺下當一訪我後馮生詣寺詢僧鑒師廬安在僧曰吾曹名無鑒者生始疑異至西廡下乃有羣僧畫像其一狀類

鑒師生大驚視其題云馮氏子吳郡人年十歲學浮屠法以道行聞

乾隆府志引宣室志馮志云按乾隆志又

云宋高僧傳謂即智積菩薩事蹟詳孫觀記別見靈巖寺下

鑒空姓齊初名君房吳郡人也

康熙志作鑒空

小貧苦勤學嘗困遊吳楚間元和初遊錢塘至孤山

西餒甚不前俄有梵僧臨流而坐顧空笑曰法師秀才旅遊滋味足未空曰旅遊滋味則已足矣法師之呼一何乖謬梵僧曰子不憶講法華經於同德寺乎應爲飢火所燒不暇憶故事遂探囊出一棗大如拳令食之空食棗掬泉飲之忽欠伸枕石而寢頃刻乃悟憶講經於同德寺如昨日焉因涕泣問震和尚神上人悟法師安在梵僧曰震再爲蜀僧神前願未滿悟坐於香山石像前戲發願今已得大將軍矣當時雲水五人惟吾得解脫獨汝爲凍餒之士由師子座上廣說異端使學空之人心生疑惑致此報應乃取一鑑令照

曰要知貧賤之分修短之期佛法興替宜一鑒焉空覽照久之謝曰謹知之矣收鑑而去
行十餘步旋失所在是夕投靈隱寺出家後周游名山愈高苦節大和元年遇柳珪於龍
門天竺寺親說其由且爲題識言會昌滅法事

乾隆府志云竊
異記作續空

甄公姓魯氏江陵人應州舉三上中第未釋褐與沙門談元理乃願披緇挂錫於蘇之楞伽

山時白居易守郡欽其談道堅請出主流水寺大和三年化去年九十

以上宋
高僧傳

元達重元寺僧年八十餘好種藥致品甚多自天台四明句曲包山叢萃紛糅各有主名皮

日休嘗爲賦詩

張景人物志馮府志云按有
重元寺藥圃互見古跡類

楚南閩人也姓張髫齡投開元寺曇藹師受訓迨冠落髮詣五臺登成就趙郡學相部律往

上都學淨名經不甘爲漸教縛遂往芙蓉山謁黃蘗運禪師機宜頓了裴休出撫宛陵請

黃蘗出山南隨侍由此詣姑蘇報恩寺專行禪定足不踰閩二十餘載乾符四年蘇州太

守周慎嗣請住寶林院又請居支硎山昭宗聞其道化賜鹿胎衣五事

宋高
僧傳

志勤歷遊四方光化中至西洞庭水月廢寺結廬居焉天祐間刺史曹珪以明月名其院

乾隆

縣志

五代

希圓張氏姑蘇人宗親豪富而獨捨家從登戒法不滯一方勤修三學光啓中徐約軍亂孫儒掠地吳苑俶擾圓由通元寺附商船避地甬東居會稽寶林寺卽琅邪山山頂多靈怪蛟蜃之屬其名曰蛆有雙耳或緣竹木風雨必至今偏入圓房圓手執宛轉屑就乃爲之受戒勿令作風雹之妖暨圓終後仍多暴風雨

宋高僧傳

圓智禪師紹宗姑蘇人也性樸野少依本郡流水寺出家受具密契眞要江南李國主建寺

居之又入山請謁甚加禮重

以上傳燈錄

宋

宗秀生不血茹七歲持佛號隱靈巖有年晚遊名公門未嘗及利天聖中丞相東平清河工

公奏賜紫方袍號定惠大師

贊寧博物稱於時柳如京徐騎省與之遊或就質問難嘗采經傳物類相感者爲書十卷又撰筭譜二卷時有安鴻漸好嘲謔遇贊寧與數僧偕行指而言曰鄭都官不愛之徒時時作隊贊寧卽應聲曰秦始皇未坑之輩往往成羣其敏捷如此

道光熙寧間主靈巖寺其道行爲遠近所尊禮

宗本無錫人年十九來依承天福昌院永安道昇禪師爲飯頭飯熟必禮拜然後供僧一日忽悟恣談經中語見道甚明人有飯僧者必告曰汝先養父母次辦官租有餘方以供僧徒輩雖望檀施汝須先爲其大者後住瑞光寺法席日盛知杭州陳襄以承天興教二利命本擇居吳人擁道遮留襄又以住淨慈爲請移文諭道俗曰借師三年爲此邦植福不敢久占因住淨慈歲大旱湖井皆竭寺西隅有甘泉自湧得金鰻魚浚爲井寺衆千餘藉以汲飲張氏有女死母夢女爲蛇旣覺得蛇棺下特詣本爲說法俄有黑蟬翔棺上而蛇失所在母祝曰若吾女可入籠中當再持詣淨慈如其祝本復爲說法是夕女見夢曰二報已解蛻矣母因問生死輪迴是信有之如何令我可免女曰六道四生如井轆轤無一人可免惟修出世因盍問淨慈法主勤以香花奉侍其顯化類如此元豐五年詔闢相國慧林智海二禪刹召本爲開山旣至宣見於延和殿問道賜坐本至京師有貴戚試以娼薦寢旣登榻鼻息如雷娼爲般若光所燦竟夕不寐帝升還召本說法賜金襴衣加號圓照禪師有旨任便雲遊州郡不得抑令住持晚居吳靈巖寺元符間將入寂沐浴而臥弟

子環擁請偈本熟視曰癡子我尋常尙懶作偈今日又作甚麼偈尋常要臥便臥亦不可特地今日坐也乃索筆書曰後事付守榮擲筆臥若熟睡已去矣閱世八十五歲坐五十
二夏政和初賜塔名無際之塔

毛僧日遊聚落飲啖無擇人多狎玩之一日忽謂人曰吾死矣乃危坐誦偈曰毛僧毛僧事
事不能死了燒却恰似不曾言畢而化

道原西洞庭夏元富子元豐間元富夢鳳集於簷蓮生於庭明旦孿生二子一字鳳郎名杲
後官捲簾使一字蓮郎學佛水月寺名道原嘗對御演法賜錦衲還住持東洞庭翠峯寺

嗣明受大師人謂鳳蓮之應

以上俱乾隆縣志

守詮寶積寺僧伴狂垢汚而詩絕清遠嘗遊西湖題梵天寺壁云落日寒蟬鳴獨歸林下寺
柴扉夜未掩片月隨行履惟聞犬吠聲又入青蘿去蘇子瞻見而和之云但聞烟外鐘不
見烟中寺幽人行未已艸露溼芒屨惟應山頭月夜夜照來去詮遂以詩著名

橫山志略按馮志作

惠詮與康熙乾隆兩志同惟蘇集作守詮西湖游覽志又作志詮

顯暹

顯馮志作顯

號寶雲俗姓陳八歲出家服勤諸律通圓覺起信等經論敝衣糲食自給再問